

Golub dupljaš (*Columba oenas*) u srednjoj i sjevernoj Bosni u 2013. godini

Stock Dove (*Columba oenas*) in central and northern Bosnia in 2013: Stock Dove was recorded in Haljinići (one pair), Žepačko polje (three individuals) and Babino Brdo and Groblje near Derventa (one pair each) in 2013.

U 2013. godini golubove dupljaše (*Columba oenas*) smo zabilježili na nekoliko lokaliteta u srednjoj i sjevernoj Bosni. U gornjoj zoni područja na Haljinićima, zajedno smo (Dervović Ilhan, Dročić Narcis i Dročić Sumeja) posmatrali jedan par koji se zadržao tri dana (od 05. do 08. marta). Hranili su se na vlažnim livadama, a spavali u obližnjem hrastovom šumarku. Na datom području su se zadržali samo dok nije prošlo loše vrijeme (niske temperature i kiša). Čim je otoplilo nestali su, pa se ovaj nalaz može smatrati kao posmatranje ove vrste na seobi. Ovo je 213. vrsta zabilježena na datom području od 2007. godine kada se vrše sistematska istraživanja [Kotrošan, D. & Hatibović, E., eds. 2012: Stanje biodiverziteta prirodnog močvarnog područja Bistrič. Tri primjerka goluba dupljaša opazio je Narcis Dročić 11.09.2013. na preletu iz Žepačkog polja pored rijeke Bosne, prema dijelu polja preko željezničke pruge. Na tom mjestu se u septembru skuplja veliki broj svih naših golubova na hranjenju po poljima pod žitaricama. U dva odvojena navrata Narcis i Sumeja Dročić su zabilježili po jedan par goluba dupljaša u okolini Dervente. Prvi put na lokalitetu Babino Brdo-sjeverno od Dervente 08.04.2013., a drugi put na lokalitetu Groblje pored ceste M-17 blizu raskrsnice za Derventu 23.05.2013. Po našoj pretpostavci, ova bi vrsta mogla da gnijezdi na oba lokaliteta iako samo gnijezđenje nije neposredno utvrđeno. Narcis Dročić je kod Doboja 23.08.2013., uz magistralnu cestu M-17, u blizini željeznog mosta preko rijeke Bosne, posmatrao četiri ptice (dvije stare i dvije mlade). Stajale su na elektrokablovima zajedno sa jatom od 57 golubova grivnjaša (*Columba palumbus*) i više od 150 običnih golubova (*Columba livia*).



Slika 1. Par golubova dupljaša na Haljinićima kod Kaknja (Foto: Narcis i Sumeja Dročić)
Figure 1. The pair of Stock Doves in Haljinići near Kakanj (Photo: Narcis & Sumeja Dročić)

Narcis Dročić, Sumeja Dročić i Ilhan Dervović
Begov Han bb, 72233 Žepče, nerkesus@live.com
Ornitološko društvo "Naše ptice", Semira Frašte 6, 71000 Sarajevo